

復
莊
詩
問

復莊詩問卷二十八

大梅山館集

鎮海姚 燮某伯甫

定府莊道中

夾路柔風送麥香
當爐帘影動垂楊
酒醒倚馬涇橋上
笠背西山看夕陽

潞河二章

挂城出長河一白色如練
不與澣塵衣但與照塵面
薺原高青青遠道阻難見
窺渚惟獨鷗語檣有零燕
山川如浮雲過影不相戀
清景知何常客遊况云倦

燕京雨十日羣漲歸一河南下如客心瞬息千里過客

心水同逝客行尙蹉跎憑舷眄高閣愁來紛益多晚雲
弄微陰殘日含林阿移舟就烟泊遙夜還如何

蒙村舟次二章

水氣香翻風氣溫水雲風樹接遙村雲容借日變霞色
樹影入波成藻痕烟杪亂颿鴻引路岸傍孤店葦編門
此身恍置蒼南道只少肥鱸佐酒尊

忽引涼颿晚暑消一蟬空際語寥寥天當盡處山橫線
河到平邊麥共潮去且弄船浮溟渤昨猶倚枕夢塵囂
津門近已無鴈宿不管春光過柳條

天津

神京掉東臂鈴海爲左門九折漂榆流遶絡青城根大
業昔用武水甲千犀奔自平豆觥寇遂撤遼陽屯鹽山
不可辨亂麥高原渾蘆背軍氣凋但有塵土痕析木在
上閭浮雲蔽之昏韜劍隱龍匣冰手吾畏捫縱鯨恣其
忍詎解濡煦恩廉頗古名將遺骨今何存

舟行興濟道中

火雲如織橫河曲河水熇熇不能綠舵樓罷飯凌空闊
樹蔭斜殘見鷗浴拍鷗磯上何閒閒蟬聲自在高樹間
樹邊烟氣動茆屋屋外疎花搖水田隔烟亂棘如初篠
翠盡湖光出明皎行帆轉屋向湖去繞屋飛來有孤鳥

鳥飛過水投樹中樹葉槭槭天初風風吹到船盪衣袂
衣紋水影相漣漣微吟振水水聲遠吟罷聽蟬聲漸斷
殘雲照水轉生碧斜日當船忽含晚日落未落月上檣
停船樹底風益涼鷗都散盡蟬都寂但見流螢數點光

滄州月夜

孤客悲千里長河自北流誰知今夜月照我在滄州木
葉初辭樹涼風已近秋向南三五雁隱隱過城樓

自新橋至安德驛道中雜詩四章

安陵樹色極蔥蘢古澗琤琤響石淙井上移甕忙晚汲
麥邊洗白待晨春借花作幔葵三面織綠爲門葦一重

姦女當筵能醉客不須問酒向臨卭

野黍叢叢雜露菅紆迴繹道入龍灣過關急水同奔馬
接樹頽雲似亂山況有昏沙橫濟北遙知苦雨滯河間
客中誰識行征味浪跡無機媿白鵬

漸稀人語罷鳴蟬倚棹尋詩夜不眠落雁舵樓風過水
棲鳥城驛月如烟柳腔疎火收茶市荻柵涼星罨網船
坐久誰能禁薄袂暗飄秋露上吟肩

竭來千里走艤幢趙北河山隔望中密柳深烟四女寺
高梧殘照二郎宮銀魚簇簇升槃白火柿離離壓擔紅
那得醇醪傾十斛手攜長笛唱西風

星渚

星渚看牽牛殘雲入夜收關河無一雁天地幾高樓獨
輦搖風態初蛩引客愁生平歡樂事瞥若逝波流

糧船洶如虎

糧船洶如虎估舡避如鼠糧船水夫纏青巾上灘下灘
挽長繩十丈五五無畱停估船不敢鳴鑼聲催糧吏官
坐當渡阜隸揮鞭趨行路趨爾今朝入關去估船偶觸
糧船旁旗下一怒估船慌蠻拳如斗烏能當願輸燭酒
雞鴨羊廟中罰祭金龍王

有稱者

晚氣寥泚樹微赭泥屋茅門雷爲瓦白羊如狻獬其下
禿童赤髻倒牽馬側笠橫騎有髯者壚頭村婦炊苦茶
髡衫茜袴綠阜紗蓬髻高擁青荷花印紅大餅拘頸爪
几槃爛色堆灰沙禿童喜茶髯喜酒解縛琅琅錢脫手
巨瓠腹穹竭一斗棄笠升鞍向南走南來有馬八尺高
帽纓颯率西風影背縛長箭腰挂刀仰天嗚嗚歌蕭蕭
相逢拱手路旁住大河無船不可渡斜月昏黃入林去

楊柳青

村南古驛楊柳青青直過青縣城縣城隱隱不可見
繞柳人家住郊甸豢驅飼犢槽滿麩泥礫匝地多榛蕪

池爲浴漏黃流污了髻童子負長挺裹體趨躍同遊鳧
蠅聲薨薨蛙閣閣瓜棚倒岸豆莢落居民墨首性剽掠
走索拋磚恣娛樂殺人不用七尺刀寸水可作千尋濤
滄州城中一夜火三千甲馬頭顱焦賃田種秫隱名姓
見人不敢稱雄豪

大市行

長蘆倡女大市行步搖瑟瑟羅裙聲風鬟疎裊煙蟬輕
冰紕斜障雙睇青向人送笑相目成儂家住何里第一
城南古瓦子西營軍頭持門戶不畏州官索錢紙檳榔
新紅蘋婆紫解橐但有沽酒需安穩畱歡醉忘死樓上

燭鷺驚飛樓外月烏鴉啼君不見江南蕩子無家歸
埜磚作枕蘆爲衣城門獨宿風淒淒

獵虎曲

獵虎獵虎子無强弩子有强弩虎有距不愁虎生距但
愁狐假威鬪體載面秋蘿衣擁蓬作髻低壓睂山鬼啾
啾行相隨子無弩弗獵虎狐狸吹火虎偃舞高楸陰陰
鬼相語白日當天照淒雨

開牖謠

上牖水三尺溪下牖水與中牖平牖夫開牖敲銅鉦北
船行盡南船行南船輕北船重北船停南船擁開牖閉

牖忙牖夫長繩引板旋轆轤過船負牽聲伊烏前船伊
烏後船邪許北船張篙南船打鼓下牖開中牖阻眼看
南流去如弩

鄭家口

有月非鄉月沙雲似水雲風從蘆淀過夢作海聲聞河
遠星垂越天長雁入汾竅尊餘宿酒聊以續殘醺

舟中懷都門故人詩三十絕句

泱莽山川共舉杯青蓮白石此仙才問渠眉色何蒼秀
曾挹臨潼睚氣來

李梅生庶常杭

壺園秋月照琴筵樽酒論交已十年一自徐陵歸地下

謂蓮舉後來離合總茫然
編修師
賜伯符孝廉雲官研秋

痛論時事淚沈瀾手撫龍鐔碧眼寒當世豈無房相國

竟交老杜屈閒官
湯海秋農部鵬

小僦僧廬避熱車疎簾清簟夢蘧蘧遙知梧院無人到

枕上詩成聽粥魚
王小鶴戶部錫振

十年鏗閣注孫吳寄襖軍營寫陣圖骨相從今宜食肉

不嫌文字變豪粗
江龍門明府開

鶴俸難供換筆資鷗波好古有奇癡自斟春甕浮梁白

矮几藤陰校贖碑
斌秋士兵部相

宜繡平原五色絲一門古調協墳篋舊編虎阜題襟集

復莊詩問
卷二十八
六
大梅山館集

半屬君家韡鄂詞

潘星齋編修曾登敘庭舍人曾綬王
途公子曾璋暨其從弟順之舍人遵

祁補之舍人
希甫皆工詞

春燈舊部已殘星歌館重逢酒半醒君未成名吾亦老
年華如此奈飄零秦澹加上舍細業

兩浙三吳變體開新城誰守辦香來獵書三館多庸手

負此昌黎著作才梅柏峴戶部曾亮

禿童守戶媪司厨子影城根簷屋居興到惜無錢買酒

頻將冷眼看葫蘆周西民布衣渭

一握冰壺玉氣瑩解鈎佩我紫蘭英社中同輩多高第

誰記空山舊石盟鉏松泉殿撰福保

樽邊伴侶散爲烟，老大風情亦可憐。
悵否秦淮桃葉去，蘋花水閣住漁船。

曹艮甫戶部樸堅

胸羅元象手揮旌，狼藉丹鉛萬軸橫。
好爲千秋揭蒙蔽，莫將門戶競虛名。

王蘧軒明經楚材時方輯宋儒學案補編

懷我曾愁風雪中，誰知一舸又飄蓬。
燕山秋碧橫無盡，吹過孤雲似斷鴻。

伊荷君孝廉潯

河渠兵制了千秋，惘惘難爲肉輩謀。
可惜剗蛟雙鐵臂，只從西市佐屠牛。

蔣子瀟孝廉湘南

潔腑無塵抱太虛，照人朗朗玉蟾蜍。
布衣蔬飯真儒者，畫諾歸來只讀書。

韋竹坪水部坦

料理詞箋共藥鎗碧苔小院極疎涼
可堪病影秋烟弱
尙擷桐花夢紫郎

陳桐星明經鳳孫

平挹西山置酒高延陵公子與能豪
樽邊雨過涼烟散
醉睨青天舞佩刀

吳安谷比部集禧

弇州才調壓崆峒出塞新詩七字工
秋色過關千里碧
函陵立馬挽鵬弓

王子壽進士柏心

擁書作壁恣縱橫劃掌河源九派清
近代文章如畫虎
悔將一第徇狂名

魏默深舍人源

銀鐙玉笛竹西樓青鱖桃花雪上舟
一自機雲齊入洛
誰來同話水天遊

周縵雲編修學澹眠帆孝廉學源昆季

短袷長纓事遠遊，賈生賦鵬志難酬。黃金恥獻侯門笑，

日覓屠沽醉市樓。黃菊漁孝廉體正

天門削劣苦難躋，欲訴巫咸有霧迷。敢道魚淵非獺藪，

如何遷罪到廉雞。周給諫師春祺孫春叔侍御日萱均

羞同新婦閉車幃，渺若奇峯天外飛。記得浞南邀戰茗，

扇湖蓮葉有涼暉。鍾書勛公子文

水葉單衾警曙鐘，起看萬里拓秋容。昨宵飛夢巴西道，

與爾嵯峨雪頂逢。錢楞仙編修振倫

多少委蛇退食居，西臺風骨近何如。左垣諫草同山積，

不抵韓蘇一上書。陳頌南侍御慶鏞朱伯韓侍御琦

蘭佩松髯絕代姿
團蒲跏坐學禪緇
玉川茗椀斜川筆
清到如秋有月知

吳紅生侍讀葆晉

君昔江舟憶我時
烽烟橫海正流離
相逢示讀新詩卷
邨不長吟一涕洟

葉潤臣舍人名澧

何處燕昭相馬臺
天驕秃尾總堪哀
才名吹滿諸侯耳
依舊長安賣賦來

孫柳君孝廉衍慶

輕車訪我見無緣
姓氏憑人轉惘然
眼看江峯青不了
苦分餘思到君邊

邊神石庶常浴禮

亡婦忌辰十八韻

三年今日滿一哭
盡情難蒼海鴻看
逝荒墳日正寒避

他黃葉落抽我素絲彈竹折烟無籜桐枯非易習去宵
隨閣夢涼清水衾單何處紉鴛相奚由整鳳翰兵戈驅
佗僚兒女掣辛酸苦劫邀天衛高堂已力殫野厖尋墮
芋江屋臥秋瀾落日啼鳶樹西風下瀨湍積心如痛毒
浩覓路瀾漫惻爾裙緣蝶淒其睇媚蘭發緘黧粉悅畱
佩澀明玕東嚙餘星小南天有霧攔奠焚新楮帛影索
舊窻欄鵲翼迴颺屬鰥魚大澤乾泉臺泥滑滑潘岳髮
鬢鬢萬景凋零色都從寸腑刊

東牖

直向滋陽下汶陽南灣路接北灣長隔村烟洗秋巒淨
復莊詩問

到水風梳晚秋涼天上白雲無過隼沙邊蒨草有眠羊
渟泓特與摠懷抱不管荆門已夕陽

安平鎮

空光浮大川雲腳切遙天一鷺炯浮水千楊翠合烟疎
鐘鳴梵閣高網晒漁船理得滄浪曲泠泠風過絃

泗上逢張理問

以銘

往秋別君鴛鴦湖涼颺弄雨喧蒲菰蠡船紅燭地深夕
水鷗狎夢遙相呼今秋遇君徐泗道芒碭關山滿斜照
登艫攜手歌大風寥泬雲天擊霜鶴男兒意氣難自雄
驅驅道路如轉蓬短策未具笑牛豎長鐔欲試愁狙公

頻年越國遭兵變，戰燾連城海無雁。
攜鏡劖藥投巖谷，蠹剩文章瓦同賤。
萊門一夕飛燹紅，君還挈眷逃吳中。
死生消息兩茫昧，托地雖異懷則同。
南園李子風流渺，黃子未大使者濟白髮。
馮唐亦荒草馮夕園太史登府相逢感舊增涕。
零柳有黃金鑄，衰老野壚酒濁不可沽。
彎弓且射烟中鳧，醉橫鐵管唱明月。
昔時豪興今能無。

韓莊臚舟中七夕雜詩得十三絕句

木蘭槩子滿花鄉，唱罷鞋紅晚氣涼。
烟外柳絲湖外水，山眉澹碧月眉黃。

明水天河淨夕鐘，牽牛棚底憶花開。
畫檐風緊瓜鐙暗，

却喜流螢上袂來

梧桐院落靜栖鴉暗燕紅愁篆影斜又誤今年好時節
玉階愁絕女兒花

那有羊家鄂綠華難憑仙洞泛胡麻須知十萬雕陵誰
不及張騫博望槎

涼颺吹動露霏霏蘋葉橫波綠照衣醉醒不知天是水
鴛鴦無語貼荷飛

隔船中夜唱吳歌客裏愁心警奈何起看碧天孤雁去
雁邊瑟瑟荻花多

暗挑冰簟十三絃碧玉懷人正小年夢醒分明攜手處

畫闌疎竹翠娟娟

銀潢大火指西流
團坐槐陰話遠遊
邯鄲識聽風愁水客
已踰楚尾近吳頭

又記南園抱病時
涼蟾胷戶影遲遲
海棠牆角秋陰薄
步唱姜家蟋蟀詞

舳艫遠下武昌城
星路看山似馬行
一角柁樓紗幔捲
小鬟深夜臥吹笙

誰家司馬載輕蟬
六柱文窗蠶殼船
篷底燭昏聞絮語
暗垂袖影到臨邊

玉茗斟宜石銑溫
寥寥禪坐過黃昏
倘容早乞天孫拙

邨有塵衫苦淚痕

小祝鴛鴦記昔時暗尋蟾網結歲華淒淒然動我河陽感
背立西風攬髻絲

舟中贈四子詩四章

傅君尙涵養事迫應之舒縈欄動風態意善畱其餘衆

議偶支紉隅坐獨默茹誰知寸腑中了了同明蟪莊周

論齊物榮辱何乘除闕茸苟不擾閭室皆太虛

傅心芝
自銘

謝客無稊稜太素抱真璞盡日守一編不畏兩眸眊隔

筵聞酒香其意輒騰蹕引盃出諧辭自命古髡我醉

誰爲醒心清事聊濁鷺雉方媚川高梧自鳴鶯

謝鐵卿
錚賢

徐子稟殊質，犖天閑姿。有羈詎難繫，作態故權奇。
蹄上雲棧未肯從，後馳究其德性馴。俗相烏能知，丈夫
貴見機。進退當自持，伏櫪俯尻首。甯受驚鈍嗤。
徐子舟時樑
范生古狷者，瑟縮同婦人。靜得七絃妙，動作五綺文。春
巒發晨秀，捫之無嶙峋。但有古烟氣，相裊成好雲。河水
不競流，天倪時露真。恬和憚羣驚，我思春申君。
范菴香槎

鍾吾驛

孤月下睢城，風潮送晚聲。亂山平野暗，疎樹一村明。
相對離鄉客，難爲此夜情。迢迢河朔雁，先我向南征。

流泉三章懷阮丈亭

瑟瑟泠泠流泉好音停響忽咽或爲鳴琴耿耿不寐起
攬薄衿荻葉初絮上有橫岑微翠下泛暗芳遠沈獨歌
誰和蟋蟀方吟

之子天末誰慰夕寥隔烟渚遠莫采陵苔涼颺來下疏
籟振條秋不可索情若與招洋洋者水載繫蘭橈悠悠
何逝惻焉永宵

水風微瀾斜月在樹烏鴉乍飛天漢欲曙山川寥寥露
氣涼洏悄焉余思杳不知處美人其來凝睇若訴願言
永懷寫我心素

示同行友

楚漢城池但土坏敢窺襪線老庸才睡餘窮眼雲相闕
唱激迴風雨正來天本寄廬何害客湖如可釀不須杯
昨宵夢哭長沙賈秋色巫陽萬仞臺

舟中攜茉莉花二盃得禁體詩十二韻

閩南荔子奴聘爾共江湖頗慰清吟寂相慚冷眼孤近
燈搖轉怯著水看疑無銀汞素馨魄春綿玉雪膚烟心
愁墮淚葉角暗卷跗恩亦怨誰薄人宜靜者姝夕陽多
翡翠曉帳有蜘蛛潔影防塵惹低顏謝露濡寵之雙韭
翦灌以八稜觚吾久風情斷宵難雨夢俱殘姿憐褪碧
醉眼笑成朱落盡柁樓月一螢飛上襦

杜若九韻

杜若自霏青磯苔匝翠屏露欺承唾袖風約采香舸秋
豔霧如夢夜愁天有星引絲能裊裊結佩可玲玲花國
芙蓉署春人豆蔻齡瘦鬟雲底潤低泣雨邊聽熱媚撩
酣夕殘芳弄古冥乾坤無廢棄江海太伶俜苦累輸渠
脫飄然過眼萍

高柳

高柳交濃陰殘陽道其隙石磯橫釣船一鷗佇涼夕

雨中

我滌青蘂泛乳茶客攜翠七剖晶瓜船如屋漏無茅蓋

枕得涼深有樹遮水逆艱於鮎上竹愁來紛似蠓爬沙
遙看別渚開新霽不盡蜻蛉颭蓼花

渡黃河至清江浦道中三絕句

楊柳西風澹碧搓蕭條秋影倚黃河勸君莫管旗亭別
馬上征人怨汝多

烟湖一角看移帆天杪輕雲日半銜蓉葉橫塘車子過
絲絲涼雨濕征衫

水北荷亭賣酒家荻簾高卷畫旗斜荻蒲煙外無人到
輸與斜陽照墮花

清河晤孔司馬

繼鑠

話舊卽贈九章

誰謂相見歡相見但淒楚握手坐移時轉疑夢中聚胸
有千百言理之竟無緒視我形骸非何論舊心腑苦淚
傾難多青天爲飄雨若有蟋蟀聲紛來集庭宇

庭氣黯將夕庭花秋方妍幽姿信誰眷裊以風中烟別
君出門去一步一回旋共看天宇雲萬里蒼無邊有鳥
迭相飛東隼西自鳶祗愁此後逢迢迢猶昔年

憶昔長安門良朋盛尊俎車馬疲往來猶自興感舉所
幸生同時不必托同土焉知造物心精華忌完聚南莊
一寸晷荒筵竟千古後來雖日長此樂萬難補

三年邁兵劫匿與魍魎隣一年戀牀蓐疾復櫻我身微

命倖天恕萬難獲倖存雖非隔世逢吾已重生人讀君
懷我詩字字含酸辛相見有今日此意毋重申

關河遇舊侶未肯遽迴翔頗思十日畱听夕聊相將歸
心不可遏南望千里鄉還顧黃河流落日空津梁君情
河水深我意河路長路長尙可及水深猶能量

落落天地間知交尙誰在離合如行雲出入不相待究
其淵源同星宿導天海謂可木石移未聞日月改屈宋
遞淪喪湘江有枯菑使我感舊心對君涕洟洩

寥天拓秋眄北斗樞可操渟渟夕初籟木葉紛林臬斯
時衆喧蟄大夢齊醅醕獨有故人心挂與明月高月高

照零雁霜紫無完毛下俯長淮流南下方滔滔

古梅如勁藤嬾媚自春竹自顧衰醜姿何由媚羣目頻
年馳異鄉白日馬蹄促勞彼千歲猿爲我守空谷此歸
當閉門棲心謝譏辱證道不在形兀處詎嫌獨

古劍作君佩夙有千秋患雖爲一匏繫所恃甯在官簿
書屏煩瑣對我心一歡心存卽萬古各各勉其端獄獄
廉蘭盟至今猶未寒贈君無盡辭終之以長歎

孔司馬招同魯

一同左嶽

並同人集飲心嚮往齋

虹華樹明采金氣秋方騫軒然溟渤波洄潏重霄間挽
裾荷鐵鍤入谷搜蘭茝列塋耀睂宇沃若初藍鮮上靈

洽真契樂古無愁年飄飄文舉公嘯旨通玉猿溯清百
江水噴頰生青烟閉桺雙虎雛貼尻同羊蜷平掌互飛
聲颺雪相迴邐仰視招搖星翠葆三霄懸麻姑顏渥丹
垂髮長過肩倚鸞擷湘笛爽奪羣籟先悅兮發吾歌駭
激枝頭薦塵仙集喬倥幾秀森崑滇盛會披鴻濛百禩
難磨鐫豈徒禮文汰直使心腑蠲當時酌西山流袂雲
娟娟摘綠搗芳汁醉寫逍遙篇惜哉少微墮謂潘四農天潢
成枯川六合愼今處贈子珊瑚鞭

爲孔司馬作淮南感逝圖系以詩

戊戌之春潘四農德輿魯通甫

一同吳稼軒大田同寓宣武坊孔司馬寓齋溫翰初農部肇江爲作燕山話別圖通甫序之四農爲

之記且有詩張亨甫除亮梅蘊生植之兩孝廉題
其後數年以來潘溫溫張梅諸君並下世開卷爲之
撫然因補淮南感逝圖於後
題二十八言用潘君韻也

停舟淮上逢良友翦燭圍樽客似家橫笛未殘聞變調
起看涼月下烟沙

殘荷詩

別榭桐枝茂井幹美人揜淚已無歡忍聞變調翻青蕙
苦寫遺容入素紈水月夢痕斟酌遍江天情鳥去留難
四絃羞澀潯陽婦畫渚楓林氣早寒

席上酬沈司馬

文藻

惠藥十四韻

舟行五旬路襟上老塵墜秋色入峻爽煩胸待刮篴氣

淵今得永神馬仗爲輓大續資龍骨中磨凝麝臍養暄
逾瘴桂蠲忿此靈犀抱匣緘珠貝分煎遍老覲七年何
恃艾一勺好斟蠡次海春生盎天河晚撥霽相因驚食
少大半苦愁擠諍或同投石恩甯數與醢去逢三島客
報爾五芝泥慰字勝常囑單方古法稽深情真玉切厚
餽況金齋使我駒乘化官骸脫犴狴

秋日蔡別駕

允壽

招同黃別駕

戊

譚司馬

祖同

孔

司馬魯左諸君飲寓齋卽事二章

萬千劫裏小團沙彈指高筵落桂花投轄來修新譜錄
入襟饒有古雲霞行杯上地江湖闊發匣空山典籍華

一斗張顛濡首墨各攬膽酒寫槎枒

遠來佳氣似春深拂拭嵐光到案琴肯判良期隨泛泛
各含至妙息惜惜林間過鳥無爭翼天際孤雲有住心
日落大河風漸峭病餘黃葉尙能任

過山陽弔潘解元

德輿

江聲極顛挫過木有餘淒藁葬一坏骨今古青山低文
章促元命慘爾天相擠一逝不可挽萬類何可怡沄沄
哭友淚灑灑滿路歧掩面過江北怕見秋草萋

淮陰舟中四十初度自述得四言八章

青鷺戢翼天路瀕蒼丈夫墮地乃有四方體庸鮮植氣

抑何強有玉不璫有鐔不芒龍駭無繫視彼南驤顏景
銜岫白草盡霜西風千里獨舸他鄉山川吳楚對酒茫
茫橫流決塞勢逝誰當人無百歲撫年自傷

撫年云邁悠習奈何天不相棄誰實蹉跎少研經史綱
能挈羅蝨視星緯燭若銀河長遊湖海鷺不受囹六合
睥睨萬古嵯峨胡命不立如蝸在磨匪鷺匪駕下上隨
波颺有去輪義無還戈因循墮志抱疚孔多兕犀可刃
曷爲太阿麋鹿可隸曷爲澗邁

曷爲太阿鐵鏞無櫛倉父滿達側目來詫繫昔盛年峻
氣辭借長揖獻詩諸侯庭迂一篇萬眸洛紙崇價揮斥

鼉鰐上座凌跨黃金土苴羅綺圍夜花雲酒川續宴無
罷冉冉瞬時駒倏馳罇賓從流離朱門傳舍秋星曉稀
木葉凋謝寥天不垠子影誰藉四顧邱陵潛焉涕下

曷爲澗邁鳥寄於木賃廡以栖其勢蹙蹙一年三遷得
依聊蹴遠颺莫歸井市來辱鴟愁天寒乃思營屋拮据
始經喪亂頻續梟鳥夜啼鄰里遭戮斜巷風陰新鬼相
哭廬舍爲墟白雲無宿蟋蟀野田但有黃櫨牽蘿補茅
娟娟其竹豈如佳人猶處空谷不土胡基不版胡築安
得東歸復我邦族

雛鳥失依中路疾首月明滄江顧影爲偶旣鮮斲勤亦

媿薪負陟彼阪原嗟念父母大海東迴掃雲如帚下有
蒼檀蔭我庭牖有子遠行支絀心手歸胡不遑駸駸四
牡安得伏居永以左右芼蘋雖粗庶幾飲酒孰正吾糾
孰揭吾蔕植苗望榮曾不知醜抱慝在躬報答何有載
眷春暉願祈遐耇

女大思嫁馬長思馳曰嗟予季未有室居嚶猶求和原
鴝匪孤疾余誰告匿有隱辜清芬祖德纍卵堪虞黨親
蕩析誰振衰閭風牆揭稗霜田種荼夢寐百感積爲毒
痛大兒頑鈍不能讀書幼子卯角乳方謝哺三年失恃
童心久瘡敢言溺愛聽彼咨且往悔無益來亦可吁已

表在篋使我躊躇

胸府淵曠睂稜石岫酣歌擊劒其響摧雲挽弓百石力
不下人胡然露莽棲此蛩身萬花颺鳳霄間正春空山
蓬侶滿眼朱輪甯戚買臣老尙牛薪豈將肆肆故爲斷
斷著書盈尺何救賤貧道路揜耳吾當緘唇守元思復
筮爻得屯謂歲有史不軼天民

方壺在渤嵐漪間之古松如丈桃花可糜猿猶黃石蝠
爲肉芝頗期就隱永焉世辭老萊有親向平有兒渴蟬
思露天方赫曦遷化待腐循分有虧悠悠蒼天生我曷
爲關河鴻倦津梁馬疲猛不自立異日吾誰蓬髮可數

顏色就衰胡敢任廢遁心元繼太宇無障遊塵尙依勉
哉茲後與古爲期

泊舟維揚寄秦廵簡兄

芝庭

六章

古野小滄浪高樓面蜀岡官閒詩作牘民暱酒輸糧別
蘇安棋局圍花倚簾牀何時陳孺榻容我寄疎狂
往歲吾方病君來過敝廬朗如秋對月清到水含虛淬
厲看囊劒低徊解佩裾胡爲相別久曾未寄鴻書

吳門烟水闊春月記清游畫舫人都老疎鋌雨易秋蠶
湖惟斷雁天渚但牽牛聞說衰楊影蕭疎滿舊樓

亦復薊門聚愁歌托楚騷水香牽薜荔春暖種櫻桃風

雨思鄉遠星辰對酒高不堪行樂地蛩語已蓬蒿

十載如昆弟何堪別思長江楓明晚照沙輦動初霜隱

宦同山谷談經有仲翔

謂虞意琴孝廉

可知中道雁猶自覓饑

梁

大有仲宣感誰憐明遠才江流千里去淮上一舟來咫尺

偏相左登臨枉費猜夜來須有夢送我到蘇臺

還珠篇

并序

儀徵厲茶心太守丈

同勳

守廉州時道光丙申之秋

州之合浦產珠遍海父老謂爲太守清白所致衆勝

其堂曰還珠再見張叔淵解元

深

作圖紀之太守出

示爲題此篇

上蒼生麟滿大陸作脯終難饜饜腹可憐犬豕無遺骸
刀聶礮捶及梟肉靈淵鬱結日月華造物豈真艱所育
路兇狼藉好花木天地有情亦慟哭眞州太守守廉州
守廉惟廉餘何求三年不聞薏苡謗平瀾如砥龍堂秋
母珠出浴子珠附晶芒四裊圓其流千七百載不得見
後孟公者能毋羞民之見珠誰之休太守欲去民宜愁
吁嗟乎摘驪頤不惜死媚鮫人不疲市天下紛紛盡如
此以利而官況窮子寸心不爲富貴使水自生珠心自
水民來獻瑞太守前益復瞿然面相止君不見金銀氣
復莊詩問

滿六合中糾結萬蜺光
熊熊奈何鑒識無慧瞳
我知有想橫其胸

題厲太守丈七世讀書堂圖二章

慈明昆季吾之友

謂伯符孝廉
研秋編修

今始登堂拜丈人樊榭

風流話同里真州文采弔遺民
門多隱德天終相饒守
傳書道不貧二百餘年桐蔭在
孫枝四苗有新筠

秋烟蕪作牧牛場
十萬豪家花月莊
渺矣我思謝安宅
巋然如見魯靈光
生香抱牖皆芸葉
古翠當檐是蜀岡
不斷讀書真種子
便存破屋勝華堂

花朝憶夢圖太守悼亡作也絕句四章用元偁韻

奉倩傷春骨易消情天難索舊韋簫
茸茸暮雨生愁綠佳節人間又一朝

飄烟去速夢來遲淒絕香陰檢藥時
桃李但從蝴蝶媚一竿瘦竹是心知

重倚闌干昔倚痕大江如睡柳都昏昏
昏昏柳外顏陽色直接青蕪到墓門

夢已三年不夢春春歸已舊淚猶新
有愁怕對安仁說我亦西風感鬢人

渡江三章

城山山外一山青都與山城作對屏
水底山容隨棹變

復莊詩問

卷二十八

三 大梅山館集

樹中城氣入烟冥孤舟天地難爲客舊曲滄浪不可聽
隨分攜瓢隨意酌任身爲雁夢爲萍

千百鴻聲亂雨聲亂鴻過水雨過城江天晚霽歸僧閣
草木風威感寇兵終古亭臺秋色逝看人行旅楚山橫
每懷昔日鄰船女傍蘆葦邊吹到明

晚潮相逼暮鉦哀鬱思聊憑閣望開潮湧一樓危上俯
雲分大海莽東迴故鄉望此猶天末今夕如何使夢來
且約伏龍千仞宅共沽千日酒名戰千壘

雨夜次京口驛

隔江楓樹林對我極靄靄急水漂人語深愁積夜陰遠

期當約鷺獨醉只憐衾客況因時換難追昔夜心

發丹徒

城堞卷殘莎城樓俯大河天從雲外暗涼到雨邊多轉
樹平岡出隨帆一鳥過高秋駐萬象空處見漁簑

丹陽咏柳

丹陽城下繫扁舟柳入江南出樣柔憶別關河逢獨夜
今年風露未深秋青睂變婉宜髻女碧月玲瓏只畫樓
無笛難歌金縷曲桃根飄泊在揚州

庚子元夕雪月夜同蔣

寶齡徐

熾昌

陳

佐鈞

買李

三兒船泛舟梁溪今蔣徐二君俱下世重泊有感

卽寄陳君

積雪之樹今抱蟬照月之水今棲烟樹非昔綠流波換
初種芙蓉嬌可憐芙蓉不識舊時客低簾愁紅惹涼碧
蟬邊嬾到遠山青烟際窺來老鷗白鷗飛只向女兒灣
山似春人墮馬鬣當年畫燭聽歡語此夕孤杯照淚顏
大江雪片飄蝴蝶過影嬋娟等風葉卽復湘蛾衫上黏
但聽疎蛩夢中接燈火一寸光氤氲深夢淺思故人
故人半作地下鬼賤子猶爲陌路身碧雲梅花怨春別
篋中鴛鴦帶百結年華一逝成古時水枕誰來共淒切
坐盡殘燈酒醒無橫天露氣逼城蕪城門一柳疎星挂

柳下玉箏彈夜鳥

曉發錫山戲書所見二章

瑟瑟撒秋塵崑崙十萬蘋間嬉無滯悅久視作迴瞋水
影都橫雪山痕不受春柳圩停畫檐笑煞賣香人

涼星七月朝疎柳百花橋緊電催秦鼓纖虹閉楚腰豪
門誰豢犬痴丈善承蜩我是眠餘蝶能知翠幄凋

復莊詩問卷二十九

大梅山館集

鎮海姚燮某伯甫

寄湯鵬魏源

騷屑日千動養拙慚老成願言飽天酒脫想離八紘五
度走幽朔塵色昏帶纓琴絃縱瀏脆澀我冰指聲嵐姿
裊青髮雲致秋英英金風散湖爽遠及大海晴靈倪恐
枯索鴻燕使迴縈蠓蠓尙有翼匪石安無情等以萬類
盲可使崎嶇平巢由傳憤歌宇宙誰逃名葆潔矯沾污
翻動造化輕蘊之月皎皎發之霆砰砰獨立向空闊百
川方夜晶

離鄉

百詩難寫是離鄉
王粲文詞已濫觴
獨樹危陵天遠遠
亂鴉古堡日荒荒
孤雲不借奔雲勢
秋氣都乘水氣涼
寄語蘆花莫憔悴
近來吾鬢亦微霜

題郭鳳梁碧雲仙館圖二絕句

鳳羽襪一帚青
四檐涼翠潑紗櫺
情情遙夜無人到
水佩風環倚瑟聽

秦碑漢簡遍摩挲
巨手瑯玕擅壁窠
七尺香箋如穉掃
墨邊吹上綠痕多

過劉山人

涿之二章

相見若隔世握手驚瘦顏問我亂時苦晷短難盡言幸
不凍餓死埋棄同草菅但媿權力微末由掾沈淵邇來
海祇淨元氣漸迴旋雖尙依人居耄穉差告安今年走
京洛挾策徒蹢躅歸途過君里且踐平生歡雨暘變晨
夕晴晦迭流遷此身各如寄一笑愁且蠲

吳風趨日靡車笠崇華浮君來廛市居閑性絕外求古
堂如空山藓氣淒以幽早桂含微華屋角來鳴鳩妙理
托詩畫穆與元化游在涵意無蕩得養神益適庭背弄
晨暉萱樹青脩脩昕暮影不離樂大忘其憂對君猶晨
鐘內警益之羞期頤能幾何道路胡未休仰視雲亂飛

長天浩然秋歸當力畊作庶補吾生尤

泊吳江過徐虹亭太史故園

合水桐廬卷翠來亭亭其下白蓮開秋陰樓閣百年古
眼底孫曾幾輩才臥石琴絃生碧蘚插厨詩卷抵金罍
時其七世孫文潮以太史手書詩卷見示王
阮亭吳蘭次吳漢槎王橫雲諸公各有和作
西窗蕭瑟
橫斜日乍有蛩聲動暮哀

贈徐司馬榮卽題其詩卷

以刀斫石石生火客者提椎笑其左噲也岸幘髯如嗔
相對畱侯媿婀娜病我作詩矜崛強動援險怪爭老蒼
欲納天地入纖芥直視元古皆混茫焉知握棘上嵩華

不如按轡馳平康東阮司馬三唐傑午影懸竿宵詩筆
豐肌若燄骨自寒大氣能虛理爲實間於別想叅奇譎
根柢和平可心質獨薦銜繳天半飛單騎橫戈隧陰出
讀之終卷吾浩歎區區此道今已難摹風績雅習優孟
佻響何論乾嘉還豈無一二振衰手螯弧高樹雄一壇
或嫌橫驟越中矩長河不隔山無關不則蠱媚學孫壽
厚以粉澤輕以鬟君來抱瑟向筇座知誰斂色聆爾彈
張軍挑戰頗自負至此瞠乎殿君後老阮能作鸞鳳鳴
腐史甘爲牛馬走如資疏磬追越思願乞靈丹藥瘳手
兩心忽慰十年懷萬古同期一杯酒吁嗟平野農得穫

多棄鉏幾人作吏還讀書偶乘紛冗得閒隙彌珍精力
同璠璣巖英澤秀薈之潤 帝懷民隱交相紓况君試
礪不露刃淵淵內性工蓄儲以文經世有真際勉矣毋
使日月除龍珠我亦葆芒采奈爾天漢懸明蟠

呈鄭方伯

祖琛

卽題其詩卷

秋潮沸堞畫旗開玉輅銀髯上戰臺不信經籌多受制
但畱詩卷亦堪哀胸中愁憤聊資吐眼底干城幾輩才
海上蒼生焦爛後隔江猶望謝安來

登大觀臺

拂面高秋桂子風危臺天半俯晴空誰憐獨客今朝醉

不盡愁心落葉中身未到家猶萬里江先渡我有孤鴻
何當一舸吾還海去看扶桑浴日紅

玉清閣題壁補和厲山人

風淨皆荷氣雲垂有玉痕上方天易曉太古夢無昏斗
壁鑄龍象烟巢定鶴魂任渠松影外日月走渾渾

早行熊山下

江天晨氣雨清寥暗雨催煙煙送潮烏柏風中無數葉
亂隨鷗影過溪橋

姬人手植梔子云今春開二花索詩

粉泥細剔凍瓷沙蝶蕊分來翠一綯修有佛根成種易

匿爲粧友得憐多曉烟姁姁春愁薄晚月娟娟露影投
桃李無言泣槁壤并華蟲注信恩波

深涼

萬樹無葉涼已深深涼逼我殘秋心窮居苦病苦無友
靜日獨坐還獨吟老鵲避風檐下停暉不到壁苔先陰
目移雲態憶佳水耳攝茶響思鳴琴稚兒踞啖宿儲栗
弱鬟俯弄新濯襟燭篝火上飯初罷藥香滿屋烟在衾
階霜一寸草一尺感爾蟋蟀誠難任

九月望夕散步日月湖觀社火歸而有作得四章
伏飛旌蓋鮑郎宮火樹銀花徹曉紅疊翠層樓天平蜃

流丹複道水西虹
摩烟塢影靈壇外
繞郭江聲畫鼓中
媚獻我神來醉止
願爲民氣振衰窮

湖平天闊漏迢迢
羣燕飛過錦帶橋
切樹明霜鏘步瑟
當筵華月睨橫簫
鴛鴦拍綺烟中戢
翡翠籠燈馬上翹
酒市盡收人盡散
牆陰一蟀語清寥

碧眼胡僧唱楚些
大傾祕露散無遮
九蓮地府祆神火
七寶天門帝女車
獨艷淒然生古怨
迴風霎已捲輕沙
炎溝久涸思甘澍
知否枯魚泣萬家

干戈凋瘵已頻年
貞復纔如宿火燃
得飽便忘離亂苦
有司坐失轉移權
爭輸黛汁塗秋蚓
力省金錢買夜蟬

道是太平祥瑞氣燭龍上與柳星纏

夜坐懷徐司馬

榮

大城如夢夢何依素瑟泠泠待一揮九月江清魚正上
八溟秋老雁方歸未愁紅燭當筵短可惜青山與望違
蕭瑟吾心禁不得空庭遙夜有霜飛

得朱

立洪

山居書三十二韻

絳山日對樓流翠在窻簾下橫漁者梁蘿帶亂成莢囊
遊共筇竹扶夢踏秋崦古月懸壁生倒景入天湛天濯
濯吾魄冰露氣難犯仙狄爲朋攜蠹桂作薪攬蒼然十
二屏晴霄掛珠齒垂袖靜女姝執圭丈人儼窮搜到石

隨滑脰不知險兩年病中夢往往墮深巉山川今復秋
衆木苦搖撼涼颺促禦棉大地肅蟬範賤子方遠歸索
居習威憺浮浮塵中心漸喜抑之澹強思製闕巾裏頂
護元髭師事天隨翁力補半生欲哀樂如煙蒿翳人苦
黹黹終難束冥心低頭事丹槩夕燈憶吾子末由慰情
慊屋角簞珮聲海雨激相掩低徊尺素書珍重抵衡紱
未敢謝迂疎轉自媿坎顛兩意風中旌遙遙與磨颺恍
若鴻背行蘚日逼衫氈一舟無百里百阻聽一感梅龍
橫鐵沙沙水旋去平灩坐釣朱尾鮎夙昔吟帽閃稍可
排闥茸謝客興猶敢酒當新釀斟韻可舊詩檢探勝不

厭重俊味得回攬寥泔磻上亭披嵐數鷗點照面珊瑚
紅柏枝出霜染

葉二十六

元坊

招飲城東酒壚賞菊醉後成歌同

董 整
作

亂雲過屋風吹花壁間舞袖生槎枒蘸香入酒雨氣澀
溜影上燭冰柱葩燭紅酒碧對空闊窈天冥地烟爲沙
淒然秋思感木葉海羽激墮城頭鴉亭亭人影我歎瘦
側側髣髴交回遮入絃泠泠雙琵琶曼響不使撓淫哇
青鷗厲漢猿啼巴中郎之女工胡笳洞天歲粧春桃斜
明璫美人騎仙麈惱公怨別駒在野我醉其間清淚灑

三年亂離無此醉亦有醉時一樽寡眼中人皆可憐者
疎髮看成柳絲把霜枝露葉與陶寫寸寸秋心怯相惹
繞門蟋蟀嘶露苔仰看銀河斗星赭斗星熒熒光照竿
竿底青鹽亂姚冶青鹽一瞥花轉明隔絃瑟瑟花能聲
花顏鬪燭人鬪酒花姿人面交微頰三霄閉籟氣正沈
萬樹不霧江方晴收筵止曲已中夜猝來冷蜨窺殘檠
闌干琉璃屏水晶主人送客開茶甕三甕五甕解我醒
帽插一尺鴛鴦莖涼颺到幕影垂瓊了叅平等攝諸妄
事何枯苑何尋榮出門茫茫夜沈沈澹月銜岫鐘初鳴
今夕之樂烏乎情作詩投我二隱子其調疎肅意則深

爲我譜入淵明琴

同作

錢塘董 鋈 鏡溪

秋風蕭瑟秋雨寒秋花寂寞無人看主人愛花兼愛
客招邀折簡陳杯槃深紅淺白閒黃紫高下位置紛
奇觀有如鼎彝列案几燦爛五色敦古歡又疑名士
集魏晉翩如入座皆衣冠今人古人近相接斗室但
覺十畝寬態濃意淡極諸妙挹其秀色良可餐商聲
忽向四絃起美人手抱琵琶彈燈邊笑語雜吟詠酒
酣耳熱衣忘單畫屏歷亂簇花影起視天半明河殘
吾曹冷落得秋氣萍蓬遇合非無端當歌痛飲莫辭

醉尊中酒凸生微瀾

隔水芙蓉

托命在涼漪西風綠一絲聯裙持弱態背影如旁枝綺
劫仙原幻秋心客自悲舊領春幄燕遲暮不相期

獨坐三章

閑心同守陴獨坐仗無馳炯爾寸光發差然萬象卑江
沙明一鳥檐月振橫枝四旋去虛車柄相矜在約軼
被蘭堪換骨投穢惜渠蟬蔽翳交奇色黃唐夢古年火
焚大槐樹風劫小遊仙逝者眼中水驅之耳後鳶

汎然流斷葦那識水無垠江勢憑宗海滄氏自有岷跳

梁羞黠鼠攜手笑勞薪何所師蒙拙退哉圯上人

董 璠

招同董 旼 阮 訓 張 培 基

飲城北寓館醉後論

詩並議續枕湖舊社詩以代約

江雲渟作寒水光渟渟照我衣袂涼市門初火接殘日
城闌落木吹微霜董君置酒集佳客客皆詩者吾與將
綠蘿吹幕燭華短西風老矣方夜長近吾以病昵詩酒
薄醉差可吟亦強 叶光 袒衣弄影颰鬚髮影在素壁同
覓翔時十萬戶各夢息不息惟飲惟斯堂斯堂斯人有
斯夕菊亦含露來媚芳菊邊柳疎烟漠漠隔烟山迴天
蒼蒼蒼然天色接湖氣雁聲遞過芙蓉塘座有老董辭

忽狂氣可吞虎鬚戟張幾於斗室置六合未覩門外皆
渾茫嗣宗諧笑抵悲哭摘纓舞樂驕排當主人羞默等
處女特以柔冶摧勁剛茂先袖手踞筵角心則了了神
故佯齷生未敢厠旁議就所伸屈聊抑揚大抵胸次各
有鬱必不得已爲慨慷安知愛戀一寸翼集瑱而沸皆
蜩蟬頗思湖上昔時社列與迭霸桓文莊琬戈犀甲十
四隊格戰誰惜頭顱創王周一替衆侯解魏韓割裂齊
楚亡及今復微不可復轉令感舊吁乎傷美人簫翟空
西方禾麥旣偃餘苞稂宜哉泗上牧牛子多思赤手摩
芒碭我雖知莒最孱國猶願執戟驅前行奈何按騎不

踊躍徒懸大鼓相擊鏜出門仰觀中霄潢驅來亂翳如
羣羊文星失照十年屋滄海已有千尺桑今宵良會足
遙繼母謂烏合思隼颺倘遵約法等蕭相詎愁阻駕來
臧倉明朝十月春小陽乾坤遞入梅花香好吹溫煦補
淒冽子有琴筑吾瑟簫和平導使乖戾忘致爾福壽增
無量不然止蹶行踉蹌暮隨歸鳥朝隨陽枉張大口恣
餽啜彼博奕者猶足強談兵嚇鬼鬼未怕已先笑殺鄰
嫗盲

大市觀燈行

十月日之朔大市觀燈行大市六七里燈火如繁星萬

燈夾一道直接東門城城烏不得睡城樹交青青城樹
青圍屏城瓦排流晶晶光水仙闕細馬芙蓉軒絃絃子
夜曲管管陽春聲樓樓語纖鳳巷巷穿雛鶯枝枝玉作
花擔擔花壓錫花花綺相互葉葉嬌難名花花幻桃李
葉葉成薇衛桃李間薇衛韎韎干珞瓔翠爲火齊吐紅
爲珊瑚擎火齊芍藥障珊瑚蓮華莖障雲匝匝動莖露
霏霏傾月碧地無夜日赤天不盲燕子能舌招蝴蝶能
目憐叶瑣瑣出婉孌一一皆分明亦有九芝蓋導以雙
龍旌俳諧雜傀儡粧束何嬌姪布綵霞虹垂發礮雷霆
碎衆巧鏤毫髮萬妙歸儀形趨繁乃至極所有無不呈

忽慨辛壬間寇海喧鯢鯨一陷昌國州再破蛟門營三
戰潰堇邑竄逸悲麗臚惟時大市中白晝風雨冥蒼霾
塞荒戶漚霧浮重薨朱喙吹蘆笳墨指抓銅鉦銅鉦琅
琅敲蘆笳鳴鳴驅逐狼與豺跳躍禽與猩亂蒿埋胔
骸鬼夕多燐螢燐螢寂寂飛鬼火相送迎鬼火閃紺碧
鬼嘯紛呶嚶過者無一人但有慘氣橫仰視河漢高灼
灼懸欒槍其下如幽都裸獄啼黯黯紫紫膏黯不繼鬼來
吹火腥火鴉入官屋火蛇猛糾縈拉雜摧罡颺一炬民
屋并吁乎阿房宮淒矣長平阡池魚半焦爛罔敢潛遊
偵蚩蚩眼中輩四散投棘荆斷裝受虜掠縛體遭笞撈

有錢無貨膏有土無鐵耕亡者多不存存者皆倖生元
氣一斲削暫復未爲亨願期養廉樸庶幾保困停况乃
計金幣列肆匱篋可憐百卮漏難補一日盈豈真裁
抑艱莫戢奢侈萌昔日葬馬墳今已巍閉閤昔日煎牛
庭今已華欄楹昔日大梵宮今作官府廳官府坐廳上
百戲娛酒觥小曲按和笙大曲擗排箏大舞雙柘枝小
舞雙鳩鵲稽首謝官府官府千百齡官府千百齡百姓
長太平悅爾官府目媚爾官府聽官府增爵祿百姓免
囹圄臬臬官府門萬寶金銀釘桀桀官府堂四壁蘭椒
馨堂下燈火光璀璨連葆纓門外卽大市笑語山河傾

驅逐輿與僮跳躍老與嬰北門打三鼓南門傳四更四
更復五鼓大市捱軒轅軒轅不肯散燈火不肯暝官府
豈真醉百姓豈真醒借問官府誰官府曾苦征借問百
姓誰百姓曾苦兵一朝竟安堵不樂當無情百姓長太
平願爲官府賡

憶傳濂

大江過雨海烟晴照夜霜華萬里清待汝懸燈舞銅斗
看吾側帽撫瑤箏鷓鴣夾竹山今夕蓉葉眠鷗畫可成
倘夢畸人來茅屋藥邊矮几正孤檠

瘦絃引一章示王大師真

瘦絃獨語雨樓夕城嵐如波潑篁溼飲酒辭醉苦不得
強附長鯨作川吸短燭光短長燭明絃聲不斷如蛩聲
秋衫顏色膩秋露壓髻秋花髮鬢輕美人上座眼平睇
列座英雄懦無氣鴛鴦狎夢荷華陰那顧高林有鵬睨
生不食肉不列侯劔可手屈還爲鈎飽餐梁肉明日餓
風吹雲逝誰能畱子未爲老吾未少不數十載同山邱
大梁有客古俠者平頭十人騎玉馬揮霍黃金滿天下
堂如射圃容百筵一筵一妓皆嬋娟鈿珠瑟瑟墮塵屑
蠟淚瀉地成紅泉自謂此樂千萬年今春尋花過其地
桃花柳花皆可憐空庭但浮淒淒烟吁嗟乎筵散春朝

似秋寂筵聚秋宵有春色酒醒不醒歌續歌多少悲歡
在胸臆天無星斗雲奔迴地有蓬蒿車偏仄燕子易老
鴻易零五更嗷嗷黃雞鳴疏磬一擊四窗白殘霜萬瓦
初旭清大江潮水漂浮萍

聞湯戶部訃哭之以詩得七章

哭子子不知況復不能哭眼中傷心人殆將賸吾獨哭
子哭無淚無淚還無聲恍恍一寸目不見天日明枯索
坐庭奧撫子神與形但恐後時憶時久難爲憑大塊各
朽炭吾漆子爲膠赤手戰天下倚子同寶刀寶刀青熊
熊其芒照六合六合黯無色天當爲子泣天泣吾不聞

聞者雨淋瀝

世皆疑子狂我實識子狷
堅壁抵萬弩僥倖殺身免窮
官不救餓窮巷妻子居窮巷
多悲風出入行敝車綫子
獨斷手罔捄百弊疏謂當竭
生命老此四壁書憤極神
爲摧血盡心乃枯吁嗟吾
賈生以死謝萬世願爾耿耿
魂死不受天制

僵舌不可說刺之血如縷
寫詞招子魂其聲慘以楚
白日天堂短袖揮流光杯
酒酌山川明誓安能忘短
車五月別別路沙雨涼別
路倉猝中慰之後期長萬
里兩寸心斗軫遙相望子
死吾不知知還疑未死下
馬城南

街分明手攜子敢以此別後終無重見期一日三造門
一見三舉卮有酒如昔日我亦如昔時海風吹檐鐸海
月懸庭枝精靈約夢寐魂兮儻來茲

賤子少習詩寢食倚爲命頗嗟元化遷徑思挈其柄旣
壯始求友出乃與子遭下聽鷗雀聲謂在千仞高千仞
多鳳鸞金碧間青紫文采紛子前等以蠺蠖視獨持排
惻心紆迴及賤子作息相影形差不共肌髓謂當成我
生竟先誅君死死淚生不續生淚如死流子耳不再聆
吾噫今且休海城置枕高枕上置君集撼壁風濤中夢
聞子聲泣

子魂尋我夢我夢尋子魂落葉漫天地江海青渾渾渾渾
渾旋大颺厲氣與盤盪夢魂兩輕弱飄蕩終無垠飄蕩
不相見識子誠何因自茲天地間有我已無子我以窮
士生子以卑官死卑官不足惜惜子經世才窮士失所
知雖生甯無哀

夜中望北極北極繁星多靈霽少微光天門空戔戔天
雁下洞庭淒霜迴平波木蘭不可攀遑問君山羅摧側
大夫玉於世辭嬋嬰披髮抱素琴絃以巫陽譌巫陽有
佳人窈窕亦娟好一睇餌萬謗蒙面悔不早何如哀哀
猿心容坐枯槁槁容同枯木槁心同死灰可憐大澤荒

不見朝雲臺但有澤上山絕壑千丈頽壑斷難上天沈
心哭九淵九淵黯無底誰能窮其淚

一哭潘山陽再哭張松寥元氣洩尾閭一逝無還潮劍
心瀝悲血容髮吾日彫恃有孤蟬存尙識哀蛩號子復
騎箕星去與遊逍遙逍遙不在天亦不在塵嗟真靈有
洞府其境八埏外亮無三十年重當續良會轉憂吾死
後子謫還爲人縱我再謫世未必同前因萬使見如昔
見亦何知親見之且卽親來生豈無死浩浩生死悲茫
茫劫安止

附題哭湯戶部詩後

同里 林廷彥 榮英

開卷色黯慘淋漓紙猶濕不辨墨淚痕似聞聲嗚咽
語長心骨悲以詩代天泣百讀無能休拚卷忽起立
起立心怦怦如見千秋情大海奔迴流寒江失其深
傾喉擬一歌西望涕泗橫

依依出山雲因風乍迴合各抱霖雨心相失又南北
南北各萬里均此星月光寒星夜隕石落月天雨霜
利器不一用摧折吳干將神龍忽化去爲帝驂雲翔
魂招不可下迴立神憂傷

憂傷久奔走辛苦公車中蓬瀛在遙海欲渡悲回風
相見及壯時不止心跡同病體清且癯鬢鬢已有鬚

遙知去年別欲別重唏噓尺木得憑藉升騰在斯須
何爲懷策歸思以老著書大材久始用所悲行道孤
遂令生死情益摧心血枯

髫年讀公文光怪難逼視化古以入時精悍成一子
僵走不敢追頗疑公久死詎意公尙存今忽赴玉樓
及公未死時悔不從師游謂如玉局翁及見韓富歐
使公今尙存我豈遽相見家貧道途修足未出鄉縣
如公竟不死終勝公死時每思覽山川助我文雄奇
六合非大荒庶有相見期

見公旣不得苦思讀遺文相去遂萬古貺我以精神

遺文不可覓會當求諸師落落經世才所存恐已稀
一髮繫千鈞匪求後世知大海掣鯨鯢陰厓聚雷雨
但讀吾師集可知公所吐兩間不朽名光燄高李杜
何當爲李漢思附韓吏部

知己太寥落出門屢失歡椒蘭爲蕭艾不覺斯世寬
苦抱悱惻心周旋故人故絕跡避塵囂痛爲俗所誤
驪龍晦領珠魑末伺昏黃奮身苦一躍前程風雲長
有力忍引手旦夕死道旁緩急無可恃百端集茫茫
讀此見古誼怒焉中心傷

擊節讀不已手鈔腕愁脫但覺肫摯情於我相脗合

昏燈燭細書癡坐發狂叫疑有關塞魂乘月下相照
月照瓊樹枝風吹幽人衣秋蘭初作佩形影無然疑
銘心逾骨肉患難蓋可知精誠入夢寤真氣彌淋漓
哀音忽吹至恹恍神迷離肝腸非鐵石焉能不奔摧
地中百斛泉不及淚流湧拉雜寫七詩魂魄九幽動
料應百世下共此悲感情誰酌一杯酒我亦傷心人
稚子以瓦盆養金魚

蠶簷蟬翼天池種金翠衣裾可六銖井華灌之玉沆瀣
研山繞以石菖蒲粉勾明月扇中畫影蹠剗風掌上軀
莫笑纖微供玩狎刀砧不入五侯厨

燈下讀汪明府

仲洋詩

聞說成都在大令近將遷吏到蘇臺
亂餘妻子投荒草老作文章稱健才
短劒渡江秋月黑平郊射雁朔風哀
吾狂誰砭癢心疾仗爾詩篇揭翳開

酒樓月夜

青霄如大湖明月作蓮孤魂魄千靈蟄
人天此界無不愁杯易盡恍有鶴來呼
把手瓊樓上洪厓認故吾

昨夢二章

逼人哀樂鬢星然苦有詩懷到汝邊
江水通潮漂一夢桃花催雨過三年
難收舊枕淒涼淚莫怨新人婀娜憐

密樹重窓猶畏冷青檠誰與照黃泉

我出傭書汝典釵食貧心性兩無乖
薤華生短終非命
蘼蔔禪空早禁齋
大野風霜魂易怯
後期天水闊何涯
坐時挽臂行
褰袂燈月分明
昨夢佳

贈范丈

瘡

六十韻卽題其詩卷

苦吟累心血不吟心失憑吟勞我成瘡如木纏於藤
寤寐續呻歎罔惜危疾櫻窮思刻元宵歛體投昏冥得奇
輒大悅稍振神氣清槁念謝名譽誰來窺幽局去載中
去
秋診二豎相憑陵司命實丈人爲我延絕齡手丸一
丸藥石菌仙露馨月愁旣晦蝕魄乃初弦生遂拔陷淖

龜上見垂天鵬諄諄戒馳攘馳攘性之刑爲賃道士廬
鍵戶叅黃庭惟時商飈寒大江多愁聲勢挾赭草色吞
吐殘暉明其光動鴉背夾葉紛墮城城樓對鐘閣吾袂
雲淙淙隔城江上山亂碧追帆行帆邊海烟氣上浮天
崢嶸吾身控波濤閭皆開窮溟屈柵弄雞跖荒苦慚生
平因擷騷經腴瀆告紫府聽紫府帝玉相太微涵星沕
叱星邀我魂許我傳元燈寫副呈丈人丈人還許稱謂
已解俗縛勉可淮南升自茲滅疾痼漸可辭參苓渾然
返胚始邁目齊枯榮轉虞撲在滿何有觚之稜死惟丈
人活德惟丈人膺丈人亦好吟靡志攢兀峻獨影梅花

枝枯到空山僧丈人坐深堂種竹爲堂屏方几膩初雨
牆綠如霧蒸剗刀刻琅玕嬌羽窺小鶯霜髯一尺半仙
仙瑤臺馮其詩皆妙樂簡瑟繁爲笙玉質霏至皎空響
篩瓏玲道根泯室礙天韜怡穉嬰招我和新什答韶憾
匪謫在昔丈人壯秣馬賦東征枕榔五嶺雪荔枝六月
冰蜚女琵琶洲泛醉花田舲結交南劒客說劒三楓亭
蒼蘿溟渤來龍氣纏華纓手拂窈窕嵐萬象未容踰興
盡賦來歸蒲袖逃浪名斗室羅古懽蝸處詎伶俜近且
畏頽髦疏草神農經導引師混元絕妄平驕矜援我九
淵底置之臺九層得從養攝餘酬唱諧烽鷗今我自北

還亂卷堆行膝柴門短檠夢時駭車鞠輟庶幾舊潭石
出土重砥礪矧我病後體尙借藥力撐願約對面跌炯
目千年醒晨禽點寒翠桐檐初旭頰髭髯元關開曠宇
淵澄澄耐吟補閒拙軋響彌八紘

雨窗四絕句示姬人李素

前檐急雨後檐風袂影茆堂濕翠中聽得鷓鴣啼過樹
撲簾苔氣已濛濛

薄縹吹陰與病宜梳鬟潦草不隨時凭肩苦勸殘樽酒
乍可添春到兩頤

蹴被纖狸惱臙眠懶翻繡譜懶參禪安爐壁榻堪儲火

商酌重綃護水仙

相護相迴未忍分關心暗謎與渠聞懷中鏡是天邊月
衣上新棉是嫩雲

大浹勵氏江樓

樓高山與望日落海先昏雲擁虛城入潮依仄岸奔青
天惟水氣斷渚有蘆痕寂寞憑闌者孤心向晚存

之鎮海雜詩四章

江漲黃入城城草淒以萎城下民所居十戶九遭燬沙
土如壤岡當路積累累高者新死墳下者廢餘壘入夜
梟鳥多酸聲雜啼鬼造劫良有因難爲吳蒼罪斯人圖

苟存相鑒罔知悔可憐霜月寒寂寂照河水

夙諷黃鳥篇頗思復邦族吾屋已不存誰來喻心曲入
巷訪西鄰覲面不相屬門戶多改更疑非往遊熟可堪
心目間未盡氣蕭索言尋垂釣磯禿柳罨疎綠尙有頭
白鷗拍煙晚來浴相見如故人何當舊盟續

道旁襍穢子素爲西家傭居然豐其饌當路騎華驄過
者與寒暄識面矜爲榮咄嗟廉耻亡至斯難復窮城門
有餓叟昔亦多牛翁故交不敢認擗面趨如風

從兄喜我至酌我茅堂中開門臨大河藻氣浮瞳矐諸
郎昔襁褓卅角今成童繞膝承行杯頗解禮數恭慨然

吾族微後起誰亢宗罪我無一成類廢將爲翁今日天氣佳拂面多南風南山落秋翠照袂光融融陶然得微醉聊以怡我衷

厲子

學湖

以先人白華翁遺稿屬校感賦二章

別無身後謀念此淚長流朋輩誰心在文章與命仇殘生兵火迫窈月海山秋擁卷當遙夜淒然燈火幽
枯松相向鄰賤子刼餘身斯意有斯感可憐誰可親江
嶼遭惡漲地下苦陳人天壤芳菲色無端受鬱湮

同姬人飲酒竟日得詩五章

閑坐眞吉祥禪心眷睂黛黛色疏曉烟其秀入橫疎善

曾道何弛不屏塵自退
訪彼春桃姿頰白苦雕
績心醺不資飲飲亦不
辭再空檐無鳥喧悠然
碧山對晨颺動蘭葉向
背無窮妍纖纖階下蟲
飛飛來與憐園英迭榮
悴流光幾盛年千秋期
素心瑤瑟方上絃瑟雖
可寫心至處難盡宣一
粲舉杯酌真氣流醺然
絨足不出戶兩日如蟄
蟲轉覺靜後思觸處皆
玲瓏造化不遺瑣纖鉅
同一工倘疑翠毛綠何
以珊瑚紅證解不在多
暢然發其蒙堂均有浮
芥廓之江海空

高風自栗烈挹之吾知
和沄沄玉鏡光搖動春
江波開窻放天影瑩若
新濯羅澄想有餘雋寫
以低聲哦兩心

各夷惠愛正情無阿酒盡不譏醉甯復思其他
惜無明月光來照此時影乍有綿綿香得氣似藻荇萬
喧歸一恬初夜極清耿殘雨飄梧枝玉屑灑苔井漻漻
太古天疑非坐人境引慧無滯談詩意頗資領

劉五明府

廣濟

書來索題漢江行役圖

霜華素潔雲英蕤晨旭高挂香檀枝我方曝背坐檀下
劉侯寄書來索詩劉侯吏隱越東縣蘭芎芎碧山舊
過江風澀打銀霰桂底初燈記初見示我壁上行役圖
天門水綠荆門蕪庾公文采一時盡大江明月千秋孤
蘋花吹滿郎官柳細雨橫簫山樊口奇士不逢稱正平

潮咽黃軍石如斗斯時劉侯懷古深船頭挂頰看雁沈
雁飛不過茱萸峽春老難爲鸚鵡吟鸚鵡無情草淒碧
不媚斜陽媚行客乍有蒼烟鄂渚橫頗思花酒宜城夕
十年奔走疲一官壯遊得此良足歡吐其意境繫之畫
畫境能工畫意難矧我未行漢污道那有奇詩爲君造
恨不共挽三澨流一洗乾坤色枯槁海天萬里無寒靈
輕鞍短劔侯儻來干丈龍潭與濯足三山琪樹當照杯
作詩題畫與君約窮士荒廬有嵩雒須知踏浪掣青鯨
抵似登樓憶黃鶴

論詩四章與張

培基

復莊詩問

卷二十九

三 大梅山館集

昔以道性情今且競門戶其才雖足欣其息已非古春
嵐含雨情妍雲作花吐江鏡爲寫姿天杼自工組未聞
雪羽鷗染采效鸞舞本原苟不亡矧竅亦鐘虞哀樂流
至聲足爲元籟輔夜中嫠婦啼能令盜心撫

往古且弗道與子論近流施王樹壇坫其實皆俳優後
來草竊輩乃有袁趙儔譬如東遷降於時爲春秋豈真
王道微竟無魯與鄒單弱不能振羣雄視爲讐日月在
人心當於萬古求奈何舍莊步跼體甘措囚

剗爾悅世容斷爾佞人舌繫爾爭競六世之向荒沈毛
穎雖良臣稜稜有廉節力至可造天毋使役煩屑吐蜃

爲氣樓丹黃極靈誦冰夷避不居龍女宵來媒激籟不
爲蜩何如抱枯子磨鏡三千年月當遜其澈

嗚呼天我生乃謀道之小本非一寸蠶欲以吐絲老在
食不能馨在衣不能藻卞玉投荒年誰來估其寶輒思
逃寂禪猛力割諸造螫久春相姁未肯聽梅槁羈人杼
隱憂志士托衿抱甯爲蹇雪松弗爲媚烟草

自城湖放舟至蓉江宿周氏莊四章同張大阮二
作

水氣颯殘菰雲姿汎獸鼻入冬晴可悅停舫客相呼出
郭山千笏迴瀦徑百紆初梅含睂色香壓市樓沽

昔渡采蘭汀美人明月艤水紅漪露佩蠡翠拂烟窻夢
與春痕遠愁將酒力降讓渠青簫叟倚樹釣寒汀
江水晚娟娟鷺鷥飛過肩林容收夕照野色入殘年風
緊孤帆振天低衆壑眠悲來吾敢笛屏息過龍淵
霜瓦有烏棲園香坐石猊詩成山月白酒醒夜寒悽小
隱商鉏笠危生話鼓鞞浮蓬如我輩慚媿五湖蠡

觀技

袖中三峽濤涌出月輪高狡於兔之脫翩如鴻也翺驚
人殊突兀玩世托牢騷何羨解牛者砉然工奏刀

古詩二章簡阮

訓張培基

士在草莽中嗒已乏生氣委恃孤心勞欲掄萬形倣捍
無峻石門轉爲賤者隸荆榛漫大山誰復辨荃蕙元歷
週五行衰旺迭相帝金水防忒差李羅敢乘沴命脈存
文章古哲賴之裔精靈充六虛老死罔能翳智力供雕
刊聲名極危厲當使今日情可發後人涕

蚓螻各埃壙棲無同命蟲行止有大室凍餓猶小窮六
翼生吾臂詎遂快其翀庶於廣漠天一試高寒風戔戔
萬仞青世眼驚華嵩誰搜醞釀氣上翊雲雷功東暘未
騰海壺嶠暉先紅安知頽景愁已伏彈指中寶鏡受銓
澀可棄等頑銅幸茲接羣聽有耳非竟聾

夜望

葉盡樹杈枒樹頭明一鴉病知涼淡體霜借月添華朔
氣凝千動眠心警萬家元津堪夢遡大海乞危槎

感惜舊事三章

謀舌籠鸚以粒驕拉烟爲宅不如梟願求秦斧誅嫪毐
誰坐齊庭讞豎刁九曲河源爭簡絜羣星天次拱招搖
六宗大禮多沿革漫說私禋重不祧

傷心一葉下林飛落水仍於斷梗依長劒今無公子札
短歌古有華山畿苦將憤鬱隨歡度勞使形骸愧影非
息不揜關行不擔爾禪何以謝脂韋

萬絮飄殘弱燕孤春聲已是濫吹竽人閒夢醒無殘燭
滄海潮平見斷菰未肯迴頭驚馬逝誰教破格試鴟塗
公然此獠矜冠帶不畏侏儒誚丈夫

短篝

霜風吹短篝遠鼓動譙樓月出星河暗天寒兒女愁燭
心持夜氣激籟怨庭楸瘦影窗邊鬢都成水氣浮

香海曲

江瀾不動月氣定上雲下沙一白淨銀虬挂角銜大珠
十丈梅花倚天鏡對屏一岫烟爲髻松釵橫作翡翠翹
古仙鶴筆吹瓊簫客來置酒闌干高闌干倒映萬仞淥

照夢鷗邊有紅燭燭殘月墮露飄衣香海西風盪平綠

望隔江山憶陳之玠故居

遠山如宿鬟晨粧掠初就輕雲相迴縈未肯露全秀其
下江漪平微風作羅皺茜色吹石華新唾上春袖夙昔
攜雙橈東磯訪朋舊一尺梅花枝橫影出牆寶水鴻飛
啄花落瓣點苔繡每當月出時夾雜露香逗佳人嬋娟
姿昨猶夢中遶側帽柴門前孤竹倚同瘦至今琴牀空
月斜有啼狖淒其不忍聞聞之我心疚

雨中坐大梅山館得詩三章簡盧

派

入冬苦無雨一雨苦不霽柴門爲空山盡日有雲閉我

爲山中猿木葉坐深翳作騷師屈均憤外得情繫孤篠
鄰女窻娟綠隔烟睇烟姿女同瘦窻影不遮髻四十吾
尙隱二十女無婿白屋潦草中胡然有天帝陽輝可燭
萬連海霧相蔽遂使造化靈鬱之入沈滯伶俜悲西方
悲來攬吾涕揉爾釵頭蘭斷我帶間荔荔斷帶不長蹙
蹙往安詣

羣雀如飢民空庭千百搶啄我庭間花驅之使遠颺庭
花已不多雨歇天還霜霜氣迴天海衆緣今芸黃憐爾
粉牆影倚石愁病粧斜月不到牆曷由矜容光依依獨
立士脈脈中慨傷六合春未迴歌管無華堂置目萬象
復莊詩問

陰夢醒皆大荒頗思故人來遠若南雁翔大庾枯梅枝
發氣當能香醞釀一寸暖力挽真機亡持恒俟其復於
理有故常

出入甘於勞在蟲爲蝨蠅埋頭泥土中苦計事生產佳
人近逃名彈琴傲嵇散銳心研古勤冷面接人懶天末
海上樓空青落杯殘水雲流英英百龍互飛騰滄洲不
阻盟惜爾羽毛短天鏡無量光委以寸管限素壁照素
心青山對青眼汎泮風揚濤纖鷗狎之坦發我舊篋衣
積塵俟湔澣誰使夕翳橫玉河影中斷廣術不可輪吾
當叩虛窾

補窻詩二十七韻

天地浩莽中肅已屏象物欲思湖海遊病骸畏風雪檐
下晚逡巡黃月吐城邑城上來海風霜氣激泐泐霜中
亂葦影過牆振棲鶻鶻棲枯樹枝枝高月空闊枝高無
一葉其勢颯將折朱門多畫梁不與寄兀兀曷由度今
夕爲爾苦悽慄我雖賃廡居未資拮据力較爾托命危
分已獲安息斯時西窻中當篝坐縫紵篝火青無輝素
壁澹蕭瑟警夢牀下聲近復斷蟋蟀頗愁中夜寒逼膚
蔽難密截紙量窻圍周遭相其缺小補得大完近謀尙
非拙石間殘蘚痕任伊作冰裂頗得斜陽明烘我研雲
復莊詩問

活斂足辭塵埃束懷勵涓潔何虞朔氣深冥冽到心骨
還視樓鵲孤啼聲慘相聒語爾東園松遺有舊巢霜翠
蔭如重帷相暄得朝日曷不遷爾棲守影俟春耕